



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

Concilium Oxoniense Per Stephanum Cantvariensem archiepiscopum pro
reformanda ecclesia Anglicana celebratum anno Domini MCCXXII. tempore
Honорii papae III.

urn:nbn:de:hbz:466:1-15974

ANNO
CHRISTI
1222.

CONCILIVM OXONIENSE
PER STEPHANVM CANTVARIENSEM
archiepiscopum pro reformanda ecclesia Anglicana
celebratum anno Domini MCCCXXII. tempore Hono-
rii papæ III.

TITVL CAPITVLORVM.

- I. Anathemate condemnantur ecclasiasticorum iurium & regni perturbatores, periuri, calumniatores, &c.
- II. De debito episcoporum.
- III. Ne episcopi in collatione beneficiorum aliquid sibi retineat.
- IV. Ut presentati, si idonei sint, recipiantur in beneficiis.
- V. De duobus ad eamdem ecclesiam presentatis.
- VI. De Missa devote celebranda, & quando presbyteris plures uno die Missas celebrare liceat.
- VII. Ut clericis secularibus negotiis se non immisceant.
- VIII. De festis & vigiliis.
- IX. Quod presbyteri parochiales frequenter pradicent, & infirmos visitent.
- X. De ornamentis ecclesie.
- XI. Ne quis beneficium suum resigans aliquid sibi de eodem retineat.
- XII. Ne una ecclesia diuidatur in plures.
- XIII. De vicariorum residentia.
- XIV. Quod exilia beneficia non conseruantur, nisi volentibus residere in eisdem.
- XV. Quae portio debeat vicario residenti assignari.
- XVI. In quibus ecclesiis requiritur pluralitas presbyterorum parochialium.
- XVII. Quod episcopus recipiat iu-
- ramentum a presentato, ut entetur simonia.
- XVIII. Ut in singulis archidiaconatibus speciales confessores deputentur.
- XIX. Quod decani rurales de causis matrimonialibus se non introntant.
- XX. Ne quis latrones in domibus vel in servitio teneat.
- XXI. Ne archidiaconi grauent ecclesias vel rectores in visitatione, & qualiter se habebunt.
- XXII. Ne beneficia spiritualia tradantur ad firmam.
- XXIII. Quod archidiaconi in visitatione sua examinent sacerdotes de canone Missa, & de sacramento altaris.
- XXIV. Quod oleum & eucharistia custodian tur sub sera, & simili ter chrisma.
- XXV. Quod archidiaconi habeant penes se in scriptis omnia ornamenti ecclesie.
- XXVI. Quod archidiaconi videat in visitationibus, ne possessionibus vel iure suo ecclesia defraudentur.
- XXVII. Quod archidiaconi vel decani nouas exactiones ecclesiis non imponant.
- XXVIII. Quod ordinarii non ferant sententias excommunicacionis in aliquem, nisi premissa monitione, nisi in certis casibus.

- XXIX. Ne quid exigatur pro sepulture vel aliquo sacramento conferendo.
- XXX. Quod iudices non impediāt bonum pacis inter partes, ubi causa recipiat compositionem ad suggestionem praconis.
- XXXI. Quod index non iudicet aliquem ad purgationem, ad suggestionem praecoris tantum, ut sit index & actor.
- XXXII. De habitu clericorum.
- XXXIII. Ne clerici comam nutritant.
- XXXIV. Quod clerici non teneant publice concubinas.
- XXXV. Qualis pena est infligenda concubinis clericorum.
- XXXVI. Quod clerici vel prelati non vendant vel impignorent ecclesiam suam consanguineis eorum.
- XXXVII. Quod fructus ecclesie in laico feudo non reponantur, nec de eis edificia fiant.
- XXXVIII. Quod religiosi possessio nati, quolibet anno admoneantur, ut reddant computum.
- XXXIX. Quod religiosi nil reci-
- piant pro ingressu alicuius inter eos, nisi pro vestitura dim taxat.
- XL. Quando & qualiter ecclesie possunt dimitti ad firmam.
- XLI. Quod nulli aliquid in ecclesia ratione benefici assignetur.
- XLII. Pena aduocatorum qui matrimonium protrahunt malitiose.
- XLIII. De ordinatione religiosorum, & qui possunt recipi in monachos.
- XLIV. De familiaribus monialium, & de silentio religiosorum, & de licentia exequendi.
- XLV. Ne monachi vel moniales per se comedant.
- XLVI. Quod moniales simul in monasterio habitent, & de confessione earum.
- XLVII. Quod religiosi non condant testamenta, nec liceat monachos monasteria habere ad firmam.
- XLVIII. Quod religiosi non bibant ultra horas debitas.
- XLIX. Quod monachi & regulares in monasterio habeant seniores, & de sententiis publicandis.

C A P I T V L A.

I.

Ecclesiasti-
cum iu-
nium turba-
sores.

Seditiosi.

ACTORITATE Dei Patris, & beatæ Virginis, & omnium sanctorum, & præsentis Concilii, excommunicamus omnes illos qui malitiose ecclesias suo iure priuare præsumunt, aut per malitiam & contra iustitiam libertates earumdem infringere vel perturbare contendunt.

Item omnes illos excommunicationis sententia innodamus, qui pacem & tranquillitatem domini regis & regni iniuriose perturbare præsumunt,

ANNO CHRISTI
III. & qui iura domini regis detinere contendunt.

Adiicimus autem omnes illos simili sententia Petiani.
inuolutos, qui scienter & prudenter falsum perhibent testimonium, vel perhiberi procurant, vel etiam tales testes scienter producunt, vel subornant in causa matrimoniali, vbi scilicet agitur contra misericordiam, vel etiam vbi agitur ad alicuius exheredationem.

Aduocatos quoque excommunicamus omnes Cauillatores.
qui in causis matrimonialibus malitiose oppositiones opponunt, vel opponi procurant, ne matrimonia vera debitum sortiantur effectum, vel ut contra iustitiam processus causæ diutius suspendantur.

Item excommunicamus omnes illos qui Calumnatores.
gratia lucri, odii vel fauoris, vel aliter malitiose crimena imponunt, vel opponunt alicui, cum infamatus non sit apud bonos & graues, ut sic saltem ei purgatio indicatur, vel alio modo grauetur.

Præterea omnes illos sententia excommunicationis innodamus, qui vacante ecclesia malitiose oppositione vel procurant opponi patronatus quæstionem, ut sit unde patronum illius ecclesiæ collatione saltem illa vice defraudent.

Excommunicamus etiam omnes illos qui Suppresso-
res.
gratia lucri, odii vel fauoris, vel alias malitiose contemnunt exequi domini regis mandatum contra excommunicatos, qui claves ecclesiæ contemnunt.

Statuimus etiam auctoritate præsentis Concilii,
ut prælati singuli eleemosynarios honestos habeant,

*Rom. 12.
Hebr. 13.
1. Petr. 4.*

*Psal. x. 60.
65.75.115.*

*Collatores
ecclesiarum
qui confer-
re eas de-
beant.*

Coloff. 3.

& vt ipsi prælati sint, iuxta Apostolum, hospitales,
& vt horis competentibus ad pauperes audiendos
& iustitiam exhibendam in publico præsentiam
suam exhibere procurent, & in personis propriis
confessionibus audiendis interdum intersint, &
pœnitentiis iniungendis: ipsi etiam per confessio-
res discretos ciuitates proprias obeant, & in ecclæ-
siis suis cathedralibus residere procurent: vt aliqui-
bus maioribus festis, & saltem in aliqua parte * pro ^{ferv} _{per}
se, prout animæ suæ saluti magis viderint expedi-
re. Et quia, iuxta scripturæ testimonium, vota no-
stra tenemur reddere Domino Deo nostro, salu-
briter decernimus aduertendum, vt episcopi for-
mam suæ professionis in sua consecratione prola-
tam bis in anno coram se legi faciant diligenter, vt
tanto melius professionis suæ recordentur, quan-
to sèpius eorum fuerit auribus inculcata.

III.

Ad hæc statuimus, ne prælatus aliquis, cum ec-
clesiam contulerit aut præbendam, fructus eius-
dem ecclesiæ siue præbendæ nondum collectos si-
bi præsumat aliquatenus usurpare, vel in institu-
tione, vel missione in possessionem, vel charta su-
per hoc facienda, aliquid audeat extorquere, nec
ab officiariis suis archidiaconis vel decanis sustineat
extorqueri.

IV.

Cum, secundum Apostolū, auaritiæ, quæ est ido-
lorum seruitus, episcopos aut alios Dei ministros
seruire non conueniat, ad tantam pestem radicitus
euellendam statuimus, vt si aliquis ad ecclesiæ ali-
quam

ANNO
CHRISTI
1221. quam nullo contradicente præsentetur , episcopus
præsentatum ipsum , dum tamen idoneus sit , ne-
quaquam admittere differat vltra duos menses : a-
lioquin quidquid ex eadem ecclesia post factam
præsentationem fuerit forte perceptum , illi , cum
institutus fuerit , restituatur , quatenus fructus illi
ad episcopum peruerint , & id in *archiepiscopis ,
si per eos steterit , obseruetur , nisi causam ratio-
nabilem coram suo superiore duxerit assignan-
dam , cum super hoc fuerit requisitus ab eo , qua-
re eum non admiserit infra tempus in hoc Con-
cilio diffinitum .

v.

Hoc autem non immerito duximus adiungen-
dum , vt si duo ad vnam eamdemque ecclesiam fue-
rint præsentati , neutri eorum , pendente lite , cu-
stodia committatur . Si autem ad episcopum ius
conferendi talem ecclesiam auctoritate Concilii
deuoluatur , cum contentio sit inter duos patronos ,
quorum vterque suum clericum præsentauerit , ta-
men ex collatione episcopi , nulli patronorum qui
postea euicerit ius patronatus , præiudicium de-
beat generari : statuimus vt episcopus neutri eo-
rum qui præsentati fuerint ecclesiam illam confe-
rat illa vice , nisi de vtriusque patroni consensu , ne
saltem qualemcumque præiudicium alteri patrono-
rum videatur generari , si forte postmodum ius pa-
tronatus euicerit .

VI.

Ad excusandos affectus laborantium in vinea
Domini sabaoth , vt veræ retributionis recipere
mereamur denarium post laborem , decreuimus ne
opus Dei fiat ab aliquibus negligenter , præsertim

Concil. Tom. 28.

Hh

cum in generali Concilio sit præceptum, vt diuinum officium nocturnum pariter & diurnum, secundum quod Deus dederit, studiose celebretur & deuote: vniuersa quoque ecclesiastica sacramenta, & præcipue baptismatis & altaris deuotissime, prout Deus inspirauerit, celebrentur. Verba quoque Canonis, præsertim in consecratione corporis Christi, plene & integre proferantur. Presbyter autem postquam dominicum corpus sumpserit in altari, si in eodem die Missarum solennia ipsum celebrare oporteat iterato, vinum calici infusum vel digitis superfusum sumere non præsumat.

Ad hæc duximus statuendum districtius inhibentes, ne sacerdos quispiam Missarum solennia celebret bis in die, excepto die nativitatis & resurrectionis dominicæ, vel in exequiis defunctorum, videlicet cum corpus alicuius in ecclesia eodem die fuerit tumulandum: & tunc prior Missa de die, posterior vero pro defuncto celebretur.

Ceterum præsenti decreto sancimus, ne clerici beneficiati, aut in sacris ordinibus constituti, villarum procurationes admittant: videlicet vt non sint senescalli aut balliui talium administrationum, occasione quarum laicis in reddendis * reciniis obligentur, si & iurisdictiones exerceat sacerulares, præfertim illas, quibus iudicium sanguinis est annexum. Et his duximus adiungendum, ne iudicium sanguinis in locis sacris tractetur, scilicet in ecclesia vel cœmitorio. Auctoritate generalis Concilii districtius inhibemus, ne quis clericus beneficiatus,

ANNO
CHARLSTI
MDCCLXII
vel in sacris ordinibus constitutus, literas pro poena
sanguinis infligenda scribere vel dictare præsumat,
vel ubi iudicium sanguinis tractatur, aut exercetur,
intersit. Nouerint enim protectione ecclesiastica
se indignos, cum per eos in ecclesia Dei per talia
præsumpta scandalum generetur.

VIII.

*Hæc sunt festa, in quibus prohibitis aliis operibus, con-
ceduntur opera agriculturæ & carrucarum.*

Statuimus quod festa subscripta sub omni vene-
ratione seruentur, videlicet omnes dies dominici, Festa An-
glis cele-
berrima
qua:
quinque dies natalitii, circumcisio, epiphania Do-
mini, omnia festa beatæ Mariæ, præter festū con-
ceptionis, cuius celebrationi non imponitur neces-
sitas, conuersio sancti Pauli, cathedra sancti Petri,
festa omnium apostolorum, festum sancti Grego-
rii, dies parasceues, feria 2. 3. & 4. in hebdomada pa-
schali, dies ascensionis Domini, feria 2. & 3. & 4.
in hebdomada pentecostes, festum S. Augustini
in Maio, duo festa sanctæ Crucis, translatio sancti
Thomæ martyris, utrumque festum sancti Ioannis
Baptistæ, festum sanctæ Margaretæ, festum sanctæ
Mariæ Magdalenæ, festum sancti Petri ad vincula,
festum sancti Laurentii, festum sancti Michaelis,
festum omnium sanctorum, festum sancti Martini,
festum sancti Edmundi confessoris, & sancti Ed-
mundi regis & martyris, festum sanctæ Catharinæ,
festum sancti Clementis, festum sancti Nicolai, fe-
stum dedicationis cuiuslibet ecclesiæ in sua paro-
chia, quodlibet festum illius sancti in cuius honore
fundata est ecclesia.

Concil. Tom. 28.

Hh ij

Festa vulga-
ria in An-
glia quo^d

ANNO
CHRISTI
1111.

Volumus etiam ut alia festa a rectoribus ecclesiasticis & capellanis in obsequio diuino & laude deuotissime celebrentur, minoribus operibus seruilibus, secundum consuetudinem loci, illis diebus interdictis, festum sanctorum Fabiani & Sebastiani, sanctæ Agnetis, sancti Vincentii, sancti Blasii, sanctæ Agathæ, sancti Felicis, sancti Georgii, sancti Ioannis ante portam Latinam, sancti Dunstani, S. Albani, sanctæ Emeldridæ, Inventionis sanctæ Crucis, sancti Stephani, sancti Hieronymi, sanctæ Fidei, dedicatio sancti Michaelis in monte Tumba, sancti Dionysii, festum Animarum, sanctæ Cæciliae, sanctæ Luciae, sancti Leonardi.

Hæc sunt festa, in quibus post Missam opera rustica na concedimus: sed antequam, non.

Octaua epiphaniæ, sanctorum Ioannis & Pauli, translatio sancti Benedicti, translatio S. Martini.

Hæc sunt vigilæ statutæ ad vigilandum.

Mirum cur
hic! Mat-
thiae item
Jacobi me-
tio nō fiat.

Vigilia nativitatis Domini, vigilia paschæ, vigilia pentecostes, litania maior, tres dies rogationum, vigilia sancti Ioannis Baptistæ, vigilia apostolorum Petri & Pauli, vigilia sancti Laurentii, vigilia assumptionis beatæ Mariæ, vigilia sancti Bartholomæi, vigilia sancti Matthæi, vigilia apostolorum Simonis & Iudæ, vigilia omnium sanctorum, vigilia sancti Andreæ, vigilia sancti Thomæ apostoli.

Ieiunia quatuor temporum in totius anni temporibus.

In Martio prima hebdomada ieiunandum est

ANNO CHRISTI
1122.
feria quarta, & sexta, & sabbato. In Iunio in se-
cunda, quod dupliciter obseruatur a pluribus; in
prima hebdomada post litanias, aut in hebdomada
pentecostes. In Septembri per tres dies. In proxi-
ma septimana integra ante natalem Domini.

IX.
Presbyterorum parochialium ecclesiarum ani-
mos ad ea quæ magis nostris temporibus expe-
diunt exercenda studiose excitare volentes, eis præ-
sentis Concilii diffinitione districte duximus in-
iungendum, ut plebes sibi commissas pabulo verbi
Dei, secundum quod eis fuerit inspiratum, infor-
mare procurent, ne canes muti merito iudicentur,
cum salubri latratu a caulis dominicis luporum spi-
ritualium morsus non repellunt. Illud euangelicum Math. 25.
memorialiter recolentes, quod in nouissimo ex-
amine visitatores infirmorum regno remunerabun-
tur æterno, quoties fuerint accersiti, celeriter acce-
dant & hilariter ad ægrotos.

X.
Ad exemplum Salomonis, qui omnia vasa do-
mus Domini ex auro purissimo fabricata diuino
cultui mancipauit, statuimus ut quælibet ecclesia
calicem habeat argenteum cum aliis vasis decenti-
bus, & sindonem mundam, & candidam, & am-
plitudinis congruentis: vetera vero corporalia,
quæ non fuerint idonea, loco reliquiarum repo-
nuntur, vel in præsentia archidiaconi comburan-
tur. Prouideant etiam archidiaconi ut linteamina
& alia ornamenta altaris sint (sicut decet) honesta.
Libros habeat etiam ecclesia idoneos ad legendum

Hh iij

& psallendum: ad minus duplicitia ornamenta sa-
cerdotalia: & vt honor debitus diuinis officiis im-
pendatur, * præcipimus vt qui altari ministrant su-
perpelliciis induantur.

X I.

Ne lepra Giezitica (quod absit) per avaritiæ
cultum latenter irrumpens, ministros ecclesiæ collo-
cet extra castra regni æterni, districtius inhibemus
ne quis ecclesiæ suæ renuntians recipiat ab eo qui
sibi substituitur vicariam, cum vehementer posset
præsumi quod talia fiant per pactionem etiam tur-
pem. Quod si ab aliquo fuerit acceptatum, & ille
vicaria & aliis personatu priuentur. Illud autem
absurdum reputamus omnino, vt aliqua existente
persona vnius ecclesiæ, alias de consensu ipsius per-
sonæ aliquid conferat in eadem ecclesia nomine
personatus, nisi persona prior ecclesiam totam
prius duxerit resignandam.

X II.

Quia iuxta canonicas sanctiones inter carnale
& spirituale matrimonium optima est comparatio,
& cum inter duos sponsos diuidi naturalis ratio mi-
nime patiatur, & dishonestum est plurimum, quod
ecclesia Dei, quæ debet esse vna, multorum ample-
xibus frequenter ancilletur: sacro ergo approbante
Concilio, districtius inhibemus ne de nouo ali-
qua ecclesia pluribus rectoribus, quorum vterque
sit persona, committatur agenda. In ecclesiis au-
tem, vbi nunc plures personæ existunt, statuimus
vt singulis decedentibus accrescat viuentibus por-
tio decedentium, donec ad vnum solum illius ec-

ANNO
CHARL. II. clesiae perueniat personatus: nec de cetero plures
vicarii in eadem instituantur, illis ecclesiis hoc sta-
tuto dumtaxat exceptis, quæ ex antiquis diuisæ
fuerunt.

XIII.

Cum hostis antiquus, scilicet leo rugiens, fa-
ciat & quærat prædam animarum; solicitius est ca-
uendum, ne talibus cura gregis dominici commit-
tatur, qui negligunt aut ignorant custodire sibi
commissa, ut deceret intendere vigilanter. Statui-
mus igitur, ut nullus episcoporum ad vicariam
quemquam admittat, nisi velit in ecclesia, in qua
vicaria ei conceditur, personaliter ministrare: aut
talis existat, qui infra breve tempus super hoc limi-
tatum valeat & velit in presbyterum ordinari.
Quod si admissus fuerit forte quis, & noluerit in
presbyterum ordinari, vicariæ beneficio priuetur.

XIV.

Ad hoc, quia dishonestum est nimis ut ecclesiæ
propter minores redditus pastoribus maneant de-
solatae, præsenti decreto statuimus, ut ecclesiæ, quæ
in redditibus vltra quinque marcas non habent,
non nisi personis talibus conferantur, * qui resi-
deant in eisdem, & in propria persona ministrant:
quod si tales admissi residere noluerint a nunc &
administrare, cum non nisi laborantibus panis do-
minicus sit, ecclesiis ipsis, præmissa monitione de-
bita, per diœcesanum episcopum spolientur.

XV.

Quoniam autem multoties sicut temporalium
rerum luxus quosdam in non modicum scandalum

populi ab officio sibi commisso segregat & abducit, sic & earumdem inopia, in vituperium ordinis nostri, quosdam compellit infelicitate mendicare; prouidendum est nobis, ut in utroque talium habita moderatione, ipsarum ecclesiarum regimini consulatur. Statuimus igitur ut vicario perpetuo ad minus redditus quinque marcarum assignetur, qui saltem pro quinque marcis dari possit ad firmam: nisi forte in illis partibus Valiae sit, in quibus, propter tenuitatem ecclesiarum, minori stipendio vicarii sunt contenti. Prouideat quoque diocesanus episcopus, pensata ecclesiae facultate, utrum vicarius onera ecclesiae subire debeat, an persona, an ad ea uterque debeat conferre. Prouiso tamen quod archidiaconus loci, siue ab illis, siue ab altero illorum debeat procurari, una tantum procuratione sit contentus.

XVI.

Matt. 20. Ad instar patris euangelici, plures operarios in vineam suam mittentis, ut quod unius non valet explere solicitude seu adimplere, perficiat plurimorum, praesentialiter diffinimus ut in singulis parochialibus ecclesiis, quarum parochia est diffusa, duo sint vel tres presbyteri, pensata pariter magnitudine parochiae & ecclesiae facultate: ne forte, quod absit, agrotante uno presbytero, aut alio debilitato, parochianis infirmantibus, aut diuinis voluntibus interesse officiis, officii debita subtrahantur, vel negentur sacramenta ecclesiastica.

XVII.

Præsenti quoque statuto diffinimus, ut epi-

ASIO
CHARLII
TLLI

AN
CET

* videlicet
debet, et
filiacione
receptione

ANNO
CHRISTI
1216. scopus ab eo qui sibi præsentatus fuerit recipiat iuramentum, quod propter præsentationem illam nec promiserit nec dederit aliquid præsentanti, nec aliquod propter hoc pactum inierit, si ei super hoc merito videatur esse suspectus, cum talia manifeste canonicis obuient institutis.

XVIII.

Quoniam nonnunquam, ob defectum confessorum, vel quia decani rurales & personæ erubescant forte confiteri suo p̄lato, certum imminet periculum animarum, volentes huic morbo mederi, statuimus ut certi confessores prudentes & discreti per singulos archidiaconatus ab episcopo loci constituantur, ut decanorum ruralium, presbyterorum & personarum * in cathedralibus ecclesiis, vbi sunt canonici sacerdotes, confiteantur ipsi canonici episcopo, vel decano, vel certis personis ad hoc per episcopum, decanum & capitulum constitutis.

XIX.

Quoniam in causis matrimonialibus est magna discretio necessaria, vnde periculosum est eas a simplicioribus tractari personis, statuimus ut decani rurales nullam causam matrimoniale de cetero audire præsumant, sed earum examinatio non nisi viris discretis committatur: quibus assidentibus, si commode fieri potest, postmodum prouintietur.

XX.

Prohibemus sub interminatione anathematis, ne quis latrones ad latrocinium faciendum in ser-

Concil. Tom. 28.

Ii

250 HONORIVS FRIDERICVS II. IMP.
P. III. CONCILIVM HENRICVS III. R. ANGLIA.

uitio suo retineat , nec eos in terris suis scienter ha-
bitare permittat.

ANNO
CHRISTI
1111

XX I.

Vt singula ecclesiastica officia in ecclesia rite procedant secundum canonicas sanctiones, statuimus ne archidiaconi nimium graues existant ecclesiis suis subditis, districtius inhibentes, ne statutum in Concilio generali in numero conuectorum excedant , cum visitationis nomine debitam sibi recipiunt prourationem: nec ad talem prourationem venientes , extraneos , vt secum veniant, inuitare præsumant. Sed si pro honore archidiaconi eccliarum rectores aliquos velint inuitare, hoc nullatenus prohibemus. Sed ipsi archidiaco ni nullum inuitent , ne forte qui per suum aduentum ecclesias non grauarent , grauent saltem per inuitatos. Vnde , vt subtrahatur eis necessitas inuitandi , prohibemus ne archidiaconi tempore visitationis suæ apud ecclesiam , quam visitant , capitulum teneant vel celebrent , nisi forte in burgo vel in ciuitate sit ecclesia constituta. Ad hoc archidiaconis districtius inhibemus , ne aliquo modo prourationem recipient sine causa rationabili, nisi illo die quo personaliter visitant ecclesiam procurantem. Nec redemptionem pro visitatione extorquere præsumant:

XX II.

Vt omnis cupiditas & auaritiae cultus expellatur ab ecclesiæ Dei ministris præsentia præteritis duximus annexenda ; statuentes vt archidiaconatus, vel decanatus, vel aliud officium , quæ in spiri-

ANNO CHRISTI
1222. tualibus mere consistunt, nulli dentur ad firmam. Si vero redditus huic officio sit annexus, ille de superioris licentia dari poterit ad firmam, sicut inferioris de aliis officiis statuemus. Si quis autem contra statutum venire præsumperit archidiaconus vel decanus, si super hoc canonice fuerit conictus, per episcopum suum a tali officio suspendatur per annum, & alius interim constituatur, qui discrete gerat vices illius.

XXXII.

Vt autem archidiaconi, secundum Apostolum, Philipp. 2. non quæ sua sunt querant, sed quæ Iesu Christi, in sua visitatione prouideant, vt canon Missæ emendetur, si sint in eo defectus: & quod sacerdotes rite proferre nouerint saltem verba canonis & baptismatis, & quod in hac parte sanum habeant intellectum; & etiam laici, si forte debeant baptizare in casu necessitatis, vt saltem sciant hoc facere in aliquo idiomate congruo seu vulgari.

XXXIV.

Prouideant vtique archidiaconi, quod diligenter, iuxta formam Concilii generalis, eucharistia, chrisma, & oleum sanctum, salua sub clauibus recordantur, fideli custodiæ deputata.

XXXV.

Habeant & archidiaconi redacta in scriptis omnia ornamenta & utensilia ecclesiarum, vestes quoque & libros singulis annis suo conspectui faciant præsentari, vt sic videant quæ fuerint addita per diligentiam personarum, vel quo tempore intermedio per malitiam & negligentiam deperierint.

Concil. Tom. 28.

Iij

XXVI.

Item prouideant archidiaconi de possessionibus ecclesiarum, vt eas singulis annis possint * prospicere, ne ecclesiæ suo iure defraudentur.

XXVII.

Præterea archidiaconis, decanis, & eorum officialibus districtius inhibemus, ne in subditos suos exactiones vel tallias per se vel per suos exercere præsumant.

XXVIII.

Adhæc ecclesiastici ordinis vtilitate pensata, pariter & honore, decreuimus ne archidiaconi vel eorum officiales sententias excommunicationis, suspensionis, vel interdicti in aliquem audeant promulgare, vbi excessus non est manifestus, nisi admonitione canonica præcedente. Si quis autem contra præmissa excommunicationis sententiam tulerit in quemcumque, pœnæ subiaceat in Lateranensi Concilio promulgatae. Pro suspensione vero vel interdicto superioris arbitrio puniatur: quod & superiores prælati obseruent.

XXIX.

Firmiter inhibemus, ne pro aliqua pecunia de-
negetur sepultura, vel baptismus, vel aliquod ecclesiasticum sacramentum, vel etiam matrimonium contrahendum impediatur. Quoniam si quid pia deuotione fidelium consueuerit erogari, super hac postmodum volumus per ordinarium loci ecclesiæ iustitiam exhiberi, sicut in generali Concilio expressius & diffusius est statutum, absurdum esse iudicantes, quod de cetero pro chrismate vel

HONORIVS
P. III. OXONIENSE. FRIDERICVS II. IMP.
HENRICVS III. R. ANGLIAE. 253

ANNO
CHRISTI
1222 oleo aliquid exigatur, cum toties hoc prohibitum
esse reperiatur.

XXX.

Ceterum districtius duximus inhibendum, ne archidiaconi vel decani bonum pacis impediri faciant: & si aliquando discordantes adinuicem voluerint concordare, licentia petita, liceat partibus aliter per compositionem discedere quandocumque voluerint, si tamen causa compositionem admittat: nec propter hoc aliquam pœnam eis infligant, nisi eis constiterit de iniustitia actoris vel rei. Sed nec aliquem ad suggestionem præconum suorum ad purgationem compellant, nisi apud bonos & graues fuerit primo infamatus.

XXXI.

Nec in causa sua præsumant pariter esse iudices & actores, videlicet cum dubium venerit vtrum quid ab eis exigere debeatur.

XXXII.

Vt clericalis ordinis honor debitus seruetur, auctoritate præsentis Conciliū decernimus, vt tam archidiaconi quam decani, & omnes alii in personatibus & dignitatibus constituti, & omnes decani rurales & presbyteri decenter in habitu clericali, & cappis clausis vtantur. Idemque obseruent officiales episcoporum & archidiaconorum, dum fuerint in consistorio.

XXXIII.

Et nec ipsi nec alii clerici comam nutrient, sed honeste tonsi & coronati incedant, nisi forte iusta causa exegerit habitum transformare. A crapula

Ii ij

quoque & ebrietate & aliis, quibus honestas eorum deformatur, omnino clerici se abstineant vigilanter: ad quæ omnia studiose obseruanda, secundum formam Concilii generalis, a superioribus suis compellantur.

X X X I V.

Addentes, ne clerici beneficiati, vel in sacris ordinibus constituti, in hospitiis suis tenere publice concubinas præsumant, nec alibi cum scandalo accessum habeant ad easdem.

X X X V.

Et si forte concubinæ eorum, monitione postea proposita, ab eis non recesserint, ab ecclesiis Dei, quas infamare præsumunt, expellantur, nec admittantur ad ecclesiastica sacramenta: & si nec sic duxerint abstinendum, excommunicationis mucrone percellantur, & tunc demum contra eas inuocetur brachium sacerdotale. Ipsos autem clericos per subtractionem officii & beneficii, canonica admonitione præmissa, volumus coerceri. Item licet legitima testamenta clericorum beneficiatorum decedentium volumus firmiter obseruari, nolumus tamen quod concubinis suis aliquid relinquant in testamento suo: quod si fecerint, illud arbitrio episcopi conuertatur in vsum ecclesiæ, in qua rexit defunctus.

X X X VI.

Ecclesiarum autem indemnitatibus consulere cupientes, præsentis Concilii auctoritate duximus statuendum, ut nullus abbas, nullus prior, nullus decanus vel archidiaconus, vel alias habens per-

<sup>Anno Christi
m
iiii.</sup> sonatum vel dignitatem, sed nec clericus inferior, pensiones vel redditus dignitatis vel consanguineis vel amicis quibuscumque vendere præsumat, vel impignorare seu infeudare de nouo, vel quolibet modo alienare præsumat, nisi forma canonis obseruata. Si quis autem contra hoc venire præsumperit quod in hac parte præsumptum fuerit, viribus careat, & præsumptor personatu vel ecclesia, quam sic læsit, per suum superiore spolietur: nisi quod abalienauerit, infra tempus a suo superiore sibi præfixum, sine damno ecclesiæ suis sumptibus duxerit reuocandum. Is quoque qui sic ecclesiastica bona de cetero receperit, & admonitus præsumperit ea retinere, excommunicationis sententia percellatur; donēc ei restituerit nullatenus absoluendus. Idem autem maiores prælati obseruent omnino.

XXXVII.

Quia sunt plerique, quod non sine lacrymis dicimus & singultu, qui omnipotentis indignationem & iram in die iræ ad perpetuam damnationem sibi cumulantes, non solum filiis & nepotibus, verum etiam concubinis suis turpiter inuadant patrimonium Iesu Christi, ad quorum usus, quod dicto seruitio <sup>foris inde-
dignum
aut inde-
cessus re-
putatur,
in fundo</sup> reputatur, in feudo laicali de bonis ecclesiæ domos construunt, in quibus ecclesiasticos prouentus & bona ecclesiæ usibus pauperum deputata congregare præsumunt; salubri prouisione decernimus, ne clerici beneficiati fructus ecclesiæ in laico ^{fundo} feudo reponant: & ut melius abstineant a præmissis, de cetero domos aut pensiones laica-

les ad opus concubinarum vel filiorum suorum non emant , nec etiam domos ad opus earum construant in fundo laicali ; sed nec etiam pecuniam ministrent ad huiusmodi emenda ad opus earum , vti sic eis subtrahatur occasio malignandi. Si quis autem super hoc habeatur suspectus iusta ratione , nisi ad arbitrium superioris se purgauerit , ipsius arbitrio puniatur. Item vt melius gerantur omnia , si exterior administratio claustralium responderit rite quieti , statuimus vt tam obedientiales rerum monasterii , quam prælati maiores , quatenus vel bis ad minus in anno coram superioribus iuxta monasterii consuetudinem reddant de receptis & expensis rationem : ad hoc enim prælatos illos ex ista constitutione volumus obligari , qui possessiones habent a monachis vel canonicis separatas.

X X X V I I I .

Ad hæc , quoniam sexum muliebrem contra versutjam hostis antiqui minus fortem multipli remedio necesse est communiri , decernimus vt moniales , & ceteræ mulieres diuino cultui dedicatæ , velum vel peplum sericum non habeant , nec in velo acus argenteas vel aureas audeant deportare , nec ipsæ vel monachi vel canonici regulares zonas sericas auri vel argenti ornamenta habentes : nec de cetero * burneta vel aliquo panno irregulare vtantur. Metiantur etiam iuxta * diminutionem corporum vestem suam , ita quod longitudinem corporum non excedat , sed pede decenter superducto , sufficiat eis , cum Ioseph indutus legatur ueste talari. Et sola monialis consecrata deferat annulum ,

HONORIVS P. III. OXONIENSE. FRIDERICVS II. IMP.
HENRICVS III. R. ANGLIE. 257

ANNO CHRISTI
1221 nulum, & vno solo sit contenta. Si qua autem contra hanc nostram prohibitionem venire præsumperit, & commonita se non correxerit, regulari subiaceat disciplinæ.

X X X I X.

Præterea statuimus, præsenti Concilio approbante, vt decetero pro receptione alicuius in dominum religionis pecuniam aut quidquid aliud extorquere non præsumant: adeo vt si præ pauperitate domus debeat vestire scipsum, prætextu vestium, ultra iustum premium earum, ab eo nihil penitus recipiatur.

X L.

Nunc ergo videamus euangelicæ legis sectatores: cum non nisi in vinea laboranti retributionis denarius sit porrigendus, nec nisi qui altari deseruit de altari viuere debeat, statuimus vt ecclesiæ certis personis deputatae nulli dentur ad firmam, nisi forte iusta causa fuerit, & a suo episcopo approbata, & vt ita de eius consensu alicui personæ honestæ & ordinatæ detur ad firmam, de quo verisimiliter præsumi debeat, quod fructus ecclesiæ in bonos usus conuertat.

X L I.

Item vt versutiis & calliditatibus aliquorum obuiemus, qui in fraudem generalis constitutionis nouas quasdam adinuentiones fingere moluntur, statuimus vt non liceat alicui aliquem assignare in ecclesia quidquam nomine beneficii,* quia hoc ei liceat obtainere cum alio beneficio cui animarum cura fuerit annexa.

Concil. Tom. 28.

Kk

XLI.

Quoniam per aduocatos multoties legitima matrimonia protrahuntur, statuimus, vt sententia lata pro matrimonio, aduocatus qui contra id fecerit, hoc ipso per annum aduocatione priuatus existat, nisi iudex eum in ipsa sententia propter errorem vel probabilem ignorantiam expresse habeat excusatum.

XLII.

Quia nonnunquam serpens antiquus, qui iugiter sedet in insidiis vt interficiat innocentes & sanctos viros, quando eos inuenit solitarios, & absque conuersatione vel consolatione mutua conuersantes, tanto facilius interdum eos suis insultibus obruit & confundit, prouida deliberatione decernimus, vt tam monachi quam canonici regulares, & moniales in vno dormitorio pariter dormiant & quiescant, singulis personis, singulis lectis assignatis. Et in vno refectorio simul edant, nec per se cuilibet, sed communiter omnibus victuallia præparentur: nec singulis eorum denarii pro vestibus tribuantur: sed talia per certas personas ad hæc deputatas, puta camerarios vel camerarias, diligenter expediantur: qui, vt quilibet indigerit, & facultas domus sustinuerit, eis indumenta ministrent. Et cum eis noua tradita sunt, vetera ab eis recipientur, quæ in usus pauperum vel alias necessitates, de consilio abbatis, vel priorissæ, vel abbatissæ, vel prioris, conuertantur. Camerario autem vel camerariæ non liceat aliquid recipere. Alioquin camerarius ab officio deponatur, &

ANNO
CHRISTI
1222

ANNO CHRISTI 1122 monachus seu canonicus vel monialis anno illo nouis careat indumentis. Monachus non recipiat minor octodecim annis, nisi euidens utilitas seu necessitas aliud inducat.

X L I V.

Inhibemus etiam ne moniales infra septa domorum suarum, praeter necessarios seruientes, nec ad cohabitandum mulieres sacerdetales recipient, nisi episcopi dicēsanī accedat assensus. Item tam a monachis quam canonicis regularibus & monialibus silentium imponimus obseruari in temporibus & locis constitutis. Nec viris aut mulieribus religiosis absque superioris licentia egredi liceat septa domus, nec sine certa & honesta causa egrediendi eis licentia concedatur: ita tamen, quod nulli claustralium causa orationis aut visitandi parentes pateat aditus exeundi: nisi talis forte fuerit, de quo nihil sinistrum possit quis aut debeat merito suspicari, qui semper habeat collegam: & quoties aliter licentiam exeundi indulgeatur, certus dies eidem præfigatur, in quo redeat.

Hoc quoque volumus obseruari, ut vbi cumque propter excessum alicuius viderit episcopus, vel abbas, vel prior conuentualis non habens abbatem, expedire ut quis ad tempus alibi moretur, ad aliam domum religionis eiusdem in eodem episcopatu transferatur: vel, si necesse fuerit, etiam ad alium episcopatum dirigatur, & per dicēsanū compellatur admitti, qui ibi in omnibus regulari subiaceat disciplinæ: ita ut si ex mora ipsius ecclesia, in qua moratur, grauata videatur, vice

Concil. Tom. 28.

Kk ij

versa mittat aliquem de suis , qui interim moram
faciet in monasterio delinquentis : nec prius redi-
iens ipse qui deliquit in domo sua recipiatur, quam
plene pœnituerit de commisso , & per suum supe-
riorem reuocetur.

M I X

Omnem singularitatem interdicimus in refe-
ctorio , vt cibus aliter vni quam alteri præparetur.
Sed qui præst videat vt scilicet interdum talia præ-
parentur , de quibus aliorum debilitas vel infirmi-
tas , prout viderit expedire , valeat reueuari. Om-
nia etiam vietualia religiosis apponenda sine sub-
tractione eis apponantur, tam in conuentu , quam
alibi , vbi reficiuntur de omnibus appositis. To-
tum residuum sine diminutione aliqua cedat in e-
leemosynam indigentibus fideliter erogandam ,
ita quod nec abbas , nec prior , nec eleemosynar-
ius possit hoc dispensare. Et quicumque istud sta-
tutum de indiminutis adinuicem implere vel ob-
seruare noluerint , si sacerdos fuerit , a celebratio-
ne diuinorum ; si minoris ordinis , a communio-
ne corporis Christi ; si monialis sit , vsque ad ple-
nam satisfactionem suspendatur. Item prohibe-
mus , ne moniales aliquæ singulariter in refecto-
rio comedant carnes , in quibus non solent com-
muniter carnes comedere.

X L V I.

Ad hæc per nullam societatem vel consideratio-
nem admittantur monachi in alterius monasterio
ad moram faciendam , nisi cum literis episcopi sui ,
vel abbatis , vel prioris conuentualis non habentis

ANNO
CHRISTI abbatem. Idem inter canonicos regulares & mo-

niales volumus obseruari.

Prouideant etiam episcopi quod moniales in omnibus necessariis competenter sustentari possint de bonis monasterii, ne sustineant vltra numerum aliquam admitti: nec etiam suscipiantur aliqua, quo usque redactæ fuerint ad numerum illum. Etiam hoc firmiter statuimus auctoritate Concilii generalis. Si autem contigerit aliquam de cetero contra hanc formam admitti, tam abbatissa quam priorissa deponatur.

Idem de magistris & prioribus moniales custodientibus, si contra hanc formam contingat aliquam admitti, duximus statuendum. Confiteantur etiam moniales sacerdotibus ab episcopo sibi deputatis. Clerici autem vel laici frequentem non habeant accessum ad claustra monialium sine causa rationabili.

XLVII.

Quoniam non licet viris religiosis aliquid proprium possidere, qui se & sua pariter in religionis ingressu Domino dedicarunt, praesenti auctoritate diffinimus, ut nulla persona in regulari ordine constituta condere testamentum presumat, cum nihil habeat suum temporale, quod transferre valeat in dominium alienum.

Item nec monachus, nec canonicus ecclesiam vel monasterium, vel quodlibet praedium ecclesiæ suæ, audeat retinere ad firmam. Districte etiam inhibemus, ne alicui monacho, vel canonico regulari, qui non obedientialis, custodia monasterii com-

mittatur, ita quod ex longa ipsius mora vel conuer-
satione scandalum oriatur : quod si præsumptum
fuerit, per superiorem emendetur.

Item viri religiosi non recipiant ecclesiam ad fir-
mam , in qua sibi quid iuris vendicant , saltem post
mortem personæ. Quod si fecerint , arbitrio supe-
rioris puniantur. X L V I I I .

Quoniam inter alia vitia impetus gulæ viros re-
ligiosos præcipue non mediocriter infestat, decer-
nimus vt nec monachi nec canonici regulares nisi
statutis locis & horis potationi aut comensationi
vacare præsumant. Si quis vero situerit, impetrata
licentia, refectorium regulariter intret , vt sic ne-
cessitati subueniat, non vt consulat voluptati. Ab
hac generalitate eximimus infirmos, & eos qui fue-
rint in obsequio prælatorum. X L I X .

Ad hæc statuimus vt , cum ratione debilitatis
vel alia iusta ratione, monachi seorsum in miseri-
cordia morantur, semper habeant secum ad minus
alios seniores , qui aliorum leuitatem debita corre-
ctione compescant, & qui postmodum in capitulo
testificantur, qualiter in misericordia fuerint con-
uersati. Idem volumus inter canonicos regulares
& moniales obseruari. Ut autem omnia fine bono
concludantur, Lateranense Concilium sub sancta
recordationis papa Innocentio celebratum,in præ-
statione decimarum & aliis capitulis præcipimus
obseruari , & in Synodis episcopalibus constitu-
tiones illius Concilii vna cum istis , prout eis vi-
debitur expedire , voluimus obseruari.

Excommunicationes etiam in hoc Concilio promulgatae singulis annis in episcopalibus Synodis, & quater in anno in parochialibus ecclesiis, solenniter iterentur.

N O T A.

* *Concilium Oxoniense.*] De hac Synodo Matthæus Paris scriptor huius temporis in historia Anglicana, *eodem anno 1222.* inquit, *Ma-*
gister Stephanus de Langetuna generale Concilium celebrauit apud Oxo-
nium, in quo multa fuerunt statuta ad reformationem status ecclesie
Anglicane, & monastice religionis, sicut in dicto Concilio alias plenius
continetur.

Mattheus Vvestmonasteriensis in floribus historiæ. *Hoc anno,*
inquit, *Stephanus archiepiscopus Cantuariensis celebrauit apud Oxo-*
nium prouinciale Concilium, in quo multa fuerunt statuta ad reforma-
tionem status Anglicane ecclesie, atque monastice discipline. Paucis an-
te diebus comprehensus fuit quidam impostor, habens in corpore & mem-
bris, scilicet in latere, manibus & pedibus, quinque vulnera crucifixionis:
& in eodem Concilio simul cum eo alius nebulo utriusque sexus, eiusdem
erroris fautor representatus, unaque cum eo coniunctus & confessus, iu-
dicio ecclesie punitus est.

De eodem ex manuscripto Vaticano Bzouius anno 1222. num. 20.
In Synodo Oxoniensi hoc anno in Anglia celebrata pseudochristus qui-
dam, qui se Christum esse, venisseque ut errores, qui in clero & populo
grassarentur, emendaret, audebat afferere; & signa quadam quasi Chri-
sti crucifixi manibus, pedibus, laterique impressa, ad maiorem populi cir-
cumuentionem ostendebat, ut vanus & perfidus nebulo in Crucem quam
meruit cum hermaphrodito quodam affecta sublatus est: in qua & dia-
conus quidam deseratus, flammisque exstus, quod ad Iudaicam per-
fidiā nefarie profugisset.

De eodem ita typographus quondam præfatus fuit: *Concilium*
hoc sequens Anglicanum ex libello Pergamenico, non illo seu illis quo-
rūm supra mentionem fecimus, transsumptum est, sed alio a superioribus
abbreviatim adeo & illegibiliter conscripto, ut supradictum Lateranensis
Concilii sub Alexandro tertio habitu archetypum pre iusto propemodum io-
cus fuerit. Ideoque nobis transcribendum obtrusus felicis memoria dominus
Petrus Crab, non obtrusurus, qui fuiteius aduersum vetusta eiusmodi
archetypa affectus, si commode & absque singulari difficultate legi po-
tuisse.